

cronica

dalla pleiv Rabius

1901 - 2001



Cronica dalla pleiv da Rabius

Sur Leonard Soler, plevon da Rabius da 1905-1920, ha rimnau e nudau schabetgs da valur historica per nies vitg. El ha anflau quels sfegliond en documents ed en cudischs da protocols e da quens. "Chronica della venerabla Caplania e Pleiv de Rabius", aschia titulescha el sia rimnada, signada cun "Rabius, ils 4 de Matg 1910", e cun sia suttascripziun. La cronica presenta ha retratg sias informaziuns ord quei arcun tgemblo, ha cumplettau ella cun fatgs buca menziunai leu e succedi pér pli tard. Ils extracts vegnan citai en il lungatg original, che corrispunda buc'adina allas normas ortograficas hodiernas.




maletg dil vitg Rabius avon 100 onns

La baselgia parochiala



la baselgia parochiala da Rabius

"Ils habitants de Rabius, schegie paucs, han eregiu els onns 1677-78-79 ina solida e biala baselgia cun treis altars, sco caplutta della venerabla mumma pleiv de Somvitg. Ils 23 de Juni 1683 ha Monsignur Uestg Ulrich VI (de Mont de Vella) consecrau la baselgia nova, dedicada alla beatissima Purschala Maria. Per fiasta titulara vegn celebrada la naschientscha de Maria.ss (sontgissima) ils 8 de settember." Quella notizia deriva dalla cronica veglia. Quella fiasta vala oz sco fiasta principala cun parada e perdananza.



maletgs da Jacob Rieg creai 1724

Il maletg digl altar grond ei ina copia dil renomau maletg da Nossadunna en la caplutta si Acletta, in'ovra digl artist Nuvolone. Igl onn 1687 ha Fridolinus Eggert, frater e pli tard pader dalla claustra da Mustér, copiau quei maletg per la baselgia da Rabius.

Ils dus altars laterals ein in regal da Jacob Tgetgel. In ei dedicaus al ss. num da Jesus e l'auter alla ss. purschala Maria. Igl altar grond ei vegnius mantenius tier la renovaziun dalla baselgia igl onn 2000.

Igl onn 1724 ha "meister-maler Jacob Rieg" decorau la baselgia cun 13 maletgs. Quels han ornau ella duront varga 200 onns, avon che vegnir remplazzai 1928 entras quels da A. Bächtiger.



Ils novs maletgs egl artg da A. Bächtiger 1928-29

Igl onn 1836 ei vegniu fatg diversas midadas e reparaturas en baselgia e tischamber. Ils 21 bauns novs han custau 52 flurins e 30 rizers, pia 2 flurins e 30 rizers l'in. Ils cuosts totals han muntau a 96 flurins e 22 rizers. Ina collecta per cuvierer ils cuosts ha purtau 83 flurins e 28 rizers. Il quen ed ils nums dils 55 donaturs ein nudai sin las davosas paginas digl "Urbar Rabius". Anno 1839, ils 25 de Schaner priu si e renovau igl urbari della Fillialla de Rabius, entras mei Joz. Modest Baselgia, d.q.t. ugau Baselgia." Aschia stat ei scret sin l'emprema pagina. Quei cudisch cuntegn biaras notizias preziousas naven digl onn 1804 entochen 1978. Era ils nums dils fundaturs d'ina s. messa perpetna ein d'anflar lien. La s. messa perpetna vegneva fundada e legida per suffragi dallas olmas. Oz vegn ella legida duront 25 onns.

Igl onn 1848 ha la confederaziun mess tierm al viriveri - monetar cun introducir la muneida unitara dil franc e dil rap per l'entira Svizra. Igl onn 1850 cumparan ils emprems dad 1, da 2 e da 50 raps, batti a Paris. Ils emprems da 5, 10 e 20 raps ein vegni batti a Strassburg. Beingleiti ha la zecca (Münzstätte) da Berna surpriu il batter (la producziun) la muneida. Quei ha muntau ina dètga midada per ils ugaus dad indicar il quen en la muneida nova. En gl'urbari vegl anfl'ins perfin la contabilitad en flurins ed en francs. In flurin valeva ussa 1 franc e 70 raps.

Sin pagina 2 digl "Urbar Rabius" ei indicaus igl agir dalla baselgia enviers ses culponts:

"Str. Baptista Gigier de Runz ei culpons capital 40 florins (ei retracta cheu d'ina s. messa fundada). Per Unterpfand in frust prau numnaus la Penda liunga e sias stuschonzas, la damaun encunter il funs de Str. Matias Gienelin, miez-dy Florin Maissen, la sera Toni Modest Siat, mesa noitg M. Turtè Gigier.

Unterpfand vul dir metter sut in fatg.

Entochen la separaziun dalla pleiv da Sumvitg vegneva il quen dalla baselgia da Rabius revedius dil plevon da Sumvitg e per la gronda part da revisurs da Sumvitg. La davosa revisiun communabla ei stada ils 12 da matg 1899, suttascretta da Th. Jos. Beer, far (Pfarrer), Sep Antoni Degonda, I. gerau, Georg Fry e Stoffel Antoni Candinas. Ord la bellezia suttascripziun da Fry Georg sa ins concluder che quei era scolast Gion Gieri Fry da Cumpadials.

Clutger e tuchiez:


Il cavalier (Dachreiter) cun 2 zennets ei daventaus l'unfrenda dil barschament dils 5 da mars 1886. Il clutger niev ei vegnius construius da meister-miradur Gion Antoni Beer, tenor plan da « Baumeister » Calonder, Glion " per la summa da 1100 frs. Il tetg d'iom ei vegnius furnius dalla firma J. Traber, Cuera, per 922.70 frs. Ils treis zenns novs dalla firma Grassmayer da S.Pieder (Feldkirch) han custau 4256 frs ed ein vegni installai ils 31 d'october 1886 . Els tunan en gl'accord f-as-c.

Il zenn grond ei dedicaus a Nossadunna cun l'inscripziun „Mala nostra pelle, bona cuncta posce“. Sur canoni residenzial Rest Modest Tuor da Rabius ei staus padrin.

Il zenn mesaun ei dedicaus a s. Giusep cun l'inscripziun "St.Joseph, offero Deo, dum resono, vota tuorum". Sur canoni Plazi Luregn Baselgia da Tschuppina ei staus padrin.

Il zenn pign ei dedicaus agl aunghel pertgirader ed a s. Placi e s. Sigisbert cun l'inscripziun "Pax vivis, quies defunctis, gloria sanctis". Sur Gion Gieri Tuor da Caduff ei staus padrin.

En la radunonza da vischinadi dils "10 de Juni 1886" han ins concludiu da reparter ils cuosts sco suonda: "3/5 sin olmas, 1/5 sin fiugs ed 1/5 sin schazetg dil muvel". Cun garanzia dalla vischerna ha la banca cantunala concediu in imprest da 5000 frs, il qual ei vegnius pagaus anavos suenter paucs onns.



Ils onns 1928-1929 ei la baselgia parochiala veginida restaurada pli da rudien. Sur Soler, il premurau rugadur, haveva augmentau il fondo per baghegiar ina "baselgia nova" sin la summa respectabla da 30'000 frs. E quei gia per igl onn 1913. Siu sboz e sia proposta per la baselgia nova ch'el haveva presentau agl architect Gaudy ha buca anflau ureglia tier tut ils vischins.

la baselgia projectada da sur L. Soler

L'uiara da 1914-1918 ha allura retardau l'execuziun d'ina renovaziun. Sur Soler ha surdau avon ch'el banduni Rabius igl onn 1920, la biala summa da 42'037 frs per gl'intent da renovar ni baghegiar baselgia nova. El ha astgau guder mo dalunsch ils fretgs da siu operar e sia premura per la pleiv da Rabius. Che sur Soler haveva era grond quitau per il salit dallas olmas da ses parochiants demuossa era ch'el haveva procurau per l'emprema s. missiun a Rabius. Dils 24 entochen ils 31 da schaner 1915 ha il sur pader Gesuit Gion Antoni Baselgia fatg missiun a Rabius. El era enconuschents sco versau ed excellent predicator. La baselgia ei vegnida renovada tenor plans digl architect Gaudy da Rorschach. Ils cuosts da renovaziun da circa 120'000 frs ein vegni cuvretgs da biars donnaturs generus.



Stanislaus
Caplazi

Eduard
Candinas

Gion Gieri
Tuor

Sur Gion
Capaul

Paul
Deplazes

Lezi
Baselgia

Adolf
Maissen

cumissiun renovaziun baselgia 1928–29

La consecraziun dils 13 d'october 1929 ei vegnida festivada pompusamein. Igl uestg Antonius Gisler ha celebrau la s. messa pontificala. Ils cantadurs e musicants sco era la cumpignia da mats han carschentau la solemnitad dil di. Sur canoni Placi Sigisbert Deplazes, che ha passentau sia sera sontga en l'ucliva idilica a Runs, descriva il decuors da quella fiesta sin pagina 78 e 79 dalla "Chronica da sur Soler".

Igl onn 1966 han ins dau alv igl intern dalla baselgia e per part cuvretg vi ils maletgs che dominavan memia zun igl intern dil sanctuari. Il maletg sigl arviul regorda aunc agl artist pictur A. Bächtiger.



aunc il sulet maletg sigl arviul da A. Bächtiger 1928–29

Per il giubileum da 100 onns pleiv independenta vegn igl intern da nossa baselgia puspei a resplender en fatscha nova. Tenor project dils architects Aluis Huonder e Mario Bearth ha nossa baselgia obtenu in intern pli glischont e plascheivel.

Beinenqual parochiant vegn a schar encrescher per las lavurs d'entagl en lenn da Tumaisch Deplazes da Rabius, da pia memoria. Siu aug, sur Tumaisch Deplazes, biars onns plevon ad Andiast, haveva entruidau el en quei art.

La consecraziun vegn celebrada en occasiun dil giubileum da 100 onns ils 13 da matg 2001. La legria da quella fiasta vegn deplorablamein umbrivada entras il fatg che nies rev. sur plevon Paul Casanova pren quei di cumiau da nus. Ad el seigi admess in engraziamenti resentiu per siu operar fritgeivel e buntadeivel duront 12 onns en nossa pleiv. Quei "Dieus paghi" cordial seigi unius cun ils megliers giavischs per sia sera sontga en siu liug d'origin a Sursaissa. Nuslein era sperar ch'el seigi buca staus il davos plevon dalla pleiv da Rabius !

Ils vischins da Rabius, mo era d'ordeifer, han entras lur generusadad dau la pusseivladad da renovar la baselgia igl onn 2000.

Per veneraziun ed engraziamenti seigi numnau ils augsegners che han pastorau en la pleiv da Rabius da 1901 – 2001.

	pastorau	morts	satraus
1. Dr. Gion Cahannes	1901 – 1904	1947	Dardin
2. Leonard Solèr	1905 – 1920	1944	Lumbrein
3. Gion Capaul, domschol.	1920 – 1933	1954	Cuera
4. Giachen Ant. Berther	1933 – 1948	1948	Mustér
5. Gieri Arpagaus, professer	1948 – 1952	1988	Cuera
6. Robert Derungs	1952 – 1981	1981	Vignogn
7. Alexi Manetsch	1981 – 1989	(plevon a Tujetsch)	
8. Paul Casanova	1989 – 2001	(plevon actual)	

Ei seigi menziunau cheu in per merets specials da dr. Gion Cahannes. Sur Soler scriva il suandont sur da siu antecessur: "Sco premurau amitg e promotur d'ina buna lectura cristiana pil pievel ha sur plevon Cahannes era fatg l'entschatta tier ina 'Biblioteca populara' per diever della pleiv e mess neu plirs bials cudas romontschs e tudestgs, en special tuttas annadas dil "Calender Romontsch" da 1860-1905".

Remarca: Quella rimnada ei vegnida cumplettada ed era ils tschespets 1-52 ein d'anflar egl archiv. Medemamein ediziuns dalla "Gasetta Romontscha" da tschentaners vargai.

Per embellir il survetsch divin han nos antenats mirau per ils mieds necessaris. Igl onn 1854 "han ins mess neu e schau reparar" entras "meister talianer" Brambilla in'orgla per la summa da 332 renschs e 30 rizers (1 rensch = 1 flurin).

Igl onn 1879 ha il caplon sur Caduff schau reparar l'orgla per 130 frs.

In'orgla d'occasiun cun 14 registers ei vegnida installada 1930.

Per la fiasta da Nadal 1979 ha la pleiv astgau festivar sco bambin l'inauguraziun d'ina orgla nova. Siu donnatur Alfons Tuor (1898) ha era demussau sia generusadad cun ina donnaziun da 50 melli frs. per baghegiar ina caplutta da morts. Honur ed engraziament persuenter.

Igl onn 1981 ei la caplutta da morts vegnida inaugurada. La contribuziun dalla vischnaunca a muntau a 30'000 frs ed a 5000 frs dil Corpus catholicum. Sin giavisch ed incarica dall'uniuon da mummas ha l'artista, venerabla sora Gelia Degonda, decorau las fenestras della caplutta cun motivs significants, quei igl onn 1987. All'uniuon da mummas ed a sora Gelia cordial engraziament.



caplutta da morts construida igl onn 1981

Cun respect ed engraziament seigi fatg paleis ils organists che han fatg e fan resunar la regina dils instruments:

Aluis Berther, scolast	1930 - 1931
Paul Deplazes, scolast	1932 - 1946
Emil Tuor, scolast	1947 - 1950
Casper Berther, scolast	1951 - 1965
Robert Fry, scolast	1966 - 1970
Giachen Degonda,scolast	1971 -

Cant da baselgia:

Sin iniziativa da sur G. Cahannes e cun gl'intent dad accumpignar la fiesta da fundaziun dalla pleiv nova independenta dils 19 da mars 1901, ei l'Uniun Ceciliana (U.C.) vegnida fundada sut il motto: "Cantate Domine".

Artechel 1 dils statuts secloma: "L'uniun ceciliana a Rabius ei in chor viril per cant da baselgia fundaus 1900. Siu intent ei d'embellir il survetsch divin cun in vengonz cant da baselgia e cheutras dar honur a Diu ed edificar sesez e tut ils fideiveles".

Sut artechel 2 stat scret: "Sper il cant da baselgia cultivescha l' U.C. era il cant profan, per atgna recreazion e per producir quel tier adattadas caschuns el vischinadi".

Cun success admirabel ha il chor viril da Rabius priu part da numerusas fiastas da cant. Muncond il cudisch da protocol entochen 1961, sebasan las indicaziuns suandontas sin retschercas dil cronist dil chor viril, Christoffel Degonda, e cuntegnan ils numbs dils dirigents senza cuoz d'uffezi.

Dirigents:	Giachen Cagienard, scolast
	Aluis Berther, scolast
	Paul Deplazes, scolast
	Emil Tuor, scolast
	Balzer Fontana, scolast
	Robert Fry, scolast
	Rudolf Bearth, fiduziar
	Gieri Spescha, scolast
	Leo Schnoz, musicist
	Rudolf Eicher, emploiau federal

En il "Dieus paghi" als dirigents che han prestau cun anim e sacrifici laver preiusa per la cultura dil cant sacral e profan ed unfrui lor temps liber per quella buna caussa, seigien era tuts commembres dil chor viril, da si'entschatta entochen oz, cumpigliai.


Igl onn 1983 sepresenta a l'occasiun dalla sera da famiglia ina grupp da dunnas sut la direcziun da Margritta Deplazes-Derungs cun ina producziun. Selegond dil success e sustegn, e per plascher da cantar, vegn l'uniun "Gruppa da cant" fundada ils 19 d'avrel 1989. Quella grupp ha accumpaignau entochen sia dissoluziun igl onn 1999 il survetsch divin cun bialas canzuns e s.messas. Ella ha era priu part cun success a fistas da cant ecclesiasticas e profanas.

Per embellir la fiesta da giubileum 2001 ei seformaus in chor mischedau ad interim. Sut la direcziun da Retus Giger ha quei chor produciu l'emprema gada da Nadal notg canzuns e duas parts ord la messa en c dad A. Bruckner. In laud general stimulescha da continuar cun las emprovas.



il chor mischedau ad hoc per la fiesta da giubileum 100 onn pleiv Rabius

Capluttas en nossa pleiv:



caplutta da s. Michel a Campieschas

La caplutta da s. Michel a Campieschas ei vegnida baghegiada gia igl onn 1669, pia in pèr onns avon la baselgia giu el vitg. Campieschas vegn numnaus en in document sco pign uclau cun 2-3 casas, nua che la schinumnada via veglia menava. Cagori, situaus sin il crest dadens la val sin la via da Campieschas, ha siu num dad in sanctuari baghegiaus leu e dedicaus a s. Gregori. Entuorn 1880 ei quei sanctuari ius en decadenza. Treis vuts, fetg empaglia, ein vegni vendi sco antiquitads ad in museum per 50 frs (tenor notizia ord in cudisch vegl da quens). Igl onn 1969, per il giubileum da 300 onns, ei la caplutta vegnida renovada.

“Quest cudisch de quen auda tier la Caplutta de Soing Michel, scret ils 8 Zercladur 1850 entras il Ugau Gion Anton Thuor de Rabius.” En quei cudischet anflein nus indicaziuns zun interessantas. La s. messa per il di da perdananza ils 29 da settember vegneva celebrada dil plevon da Sumvitg per il stipendi da 1.70 frs. L'unfrenda per s. Michel digl onn 1850 ha impurtau 2.70 frs. Il gentar al “Segner Farer” ha custau 1 fr.



caplutta da s. Clau a Runs

La caplutta a Runs, dedicada a s. Clau, ei vegnida baghegiada alla fin dil 17avel tschentaner. Ella ei vegnida restaurada 1930 suenter in barschament ed allura puspei 1992-93. Las madretschas dils zenns ein Filomena Lombriser-Cajacob e Maria Ursula Candinas-Brunold, ils padrins Ludovic Lombriser e Sep Durisch Candinas. La caplutta da s. Clau vala sco monument historic cantunal e federal.

Fundaziun dalla caplania da Rabius

La caplania da Surrein ei sefatga libra dalla pleiv da Sumvitg igl onn 1786 ed ha fundau ina pleiv independenta. Il viadi stentus e beinduras prigulus da Surrein a Sumvitg ei stau il motiv principal da quella separaziun.

Ils vischins da Rabius han concludiu igl onn 1804 da stabilir in fondo cun gl'intent da saver mantener sez in spiritual. La collecta voluntaria ha giu grond success, havend Gion Antoni Hetz regalau la summa da 1000 flurins als vischins per quei intent. Il fondo ei gleiti carschius sin la summa respectabla da 4267 flurins. Dils numbs da schlatteina dils 42 donnaturs numnai existan ils suandonts buca pli en Rabius: Arpagaus, Bundi, Cagienard, Cajacob e Contrin, Foppa, Faller, Genelin, Gieriet, Hetz, Schlanser, Siat e Vinzenz.

In interessant pensum fuss da perscrutar, danunder e cura biaras famiglias che habiteschan oz a Rabius, ein sedomiciliadas cheu.

Perschuadi da puder mantener in agen spiritual, fa il vischinadi igl onn 1804 "il petitum" alla curia per il consentiment da fundar ina caplania. La brev da lubentscha per la fundaziun da quella ei scretta per tudestg a "Somvitg ils 29 de Juli 1804" e suttascrettta per la part da Sumvitg da Rvdss. Sgr. plevon Michel Ant. Henni e per la part da Rabius dals Signurs Gion Franzestg Cagienard, Plazi Ant. Hetz e Benedetg Berther.

Quella brev ei vegnida approbada dalla "ludeivla curia episcopala de Chuera ils 8 d'October 1804 tras Uestg Carl Rudolf" cun las cundiziuns suandontas:

1. "De dar al Caplon ina decenta habitaziun e de mantener quella."
2. "De dar al Caplon, sco ad in auter vischin, sufficientamein lenna de barschar egl uaul, la qualla el sto aber sin agen cuost laschar pinar e menar."
3. "De pagar ora ad el mintgia onn, igl atun, 200 flurins senza spesas."
4. "Tier tut quei s'oblighescha igl entir vischenadi sco era de cumprar e pagar tut igl ulteriur ch'ei de basegns per celebrar il survetsch divin e de cuvierer otras necessarias spesas della baselgia."

Pader Placidus a Spescha, emprem caplon da Rabius, ha tschentau si in "urbari", oz schess ins in contract da lavur, cun las medemas obligaziuns dils vischins enviers lur caplon. Per augmentar il fondo cumpran ils vischins da Rabius l'acla da Cumadé dils affons da Chrest Antoni de Florin. Tenor brev da marcau dils 23 da fevrer 1805 ha quell'acla custau 3215 renschs (flurins) e la mesira ei indicada cun 6317 fests (1 fest = 4 m²).

Il fondo da parvenda che dueva purtar il tscheins da 200 flurins secumponeva ussa da:

1. "capital della scola de 340 renschs"
2. "l'annuala rendita della s.h.** hetta dil vischenadi de 200 renschs"
3. "treis capitals tenor cudisch de visch. egl importo de 245 renschs"
4. "acla de Cumadé 3215 renschs"

** S.h. vul dir: salva l'honur. Il plaid salvani deriva digl usit da duvrar quei s.h. avon certi numbs d'animals e caussas.

Aschia muntava il fondo a 4000 renschs e pertava cun 5% tscheins (da gliez temps la norma) la paga per il sur caplon.

Era dils ven. caplons da Rabius lein seregurdar en pietad:

	pastorau	morts	satraus a
1. Placidus a Spescha	1804 – 1805	1833	Trun
2. Luregn Caplazi	1807 – 1809	1809	Trun
3. Gion Batt. Berther	1810 – 1815	1816	Siat
4. Pader Meinrad Birchler (1)mo entgins meins	1815	1815	Mustér
5. Gion Antoni Maissen vacatura (3)	1815 – 1819 1819 – 1827	1819	Sumvitg (2)
6. Luregn Schmedt	1827 – 1830	1830	Sumvitg (2)
7. Vigeli Giusep Riedi	1830 – 1831	1879	Pleiv
8. Giusep Wolf	1831 – 1847	1850	Zignau
9. Plasch Blasius Jaeger	1847 – 1864	1864	Sumvitg (2)
10. Dr. Gion F.de Curtins	1864 – 1865	1901	Trun
11. Gion Fidel Caduff	1865 – 1880	1906	Ruschein
12. Gion Batt. Fry	1880 – 1886	1892	Mustér
13. Ulrich Vigeli Biart vacatura	1886 – 1889 1889 – 1896	1918	Cazis
14. Gion Antoni Gieriet	1896 – 1897	1897	Sumvitg (2)
15. Leonhard Federspiel	1897 – 1899	1925	Domat
16. Dr. Gion Cahannes	1899 – 1901	1947	Dardin

Remarcas:

- (1) Da quei temps ei stau la controversa: spiritual secular (prer) ni pader. Ils spirituals seculars han protestau encunter l'elecziun da pader Meinrad Birchler sco caplon da Rabius. El era vegnius recumandaus entras avat Anselm Huonder, oriunds da Camaler.
- (2) Da quei temps haveva Rabius aunc negin sanctuari.
- (3) En quei connex vegn igl emprem caluster da Rabius menziunaus.

Sur Soler relata en sia "Chronica" sur dallas activitads da quels 16 caplons da Rabius.

Separaziun dalla Baselgia filiala da Rabius dalla Baselgia Matrice da Sumvitg

Ils motivs per quella separaziun ein bein stai il spért d'independenza e la schientscha da saver administrar sez ils fatgs che pertuccan baselgia e pervenda da Rabius.

Il decret da separaziun ei vegnius screts per romontsch da dr. Gion Cahannes, "igl um cun gl'anim grond" per nies lungatg, sco quei che professer Vieli numnava el. Il cuntegn copiaus ed aschuntaus duei survir per orientaziun e lectura divertenta.

*Decret
d^e membraziun u separaziun
della
Baselgia filiala de Rabius
dalla
Baselgia Matrice de Sumvitg,
Uestg^oiu de Cuer^a.*

C^omion Fidel, il sottoscrit^o testy de Cuer^a, Archentau^s
dal S. Spet per regier los s. Baselgia de Diu,
Hoc —
sin repetidas instanzas della filiala de Rabius,
— suenter —
haver uolii quels, che duein tenor dretg ecclesiastice vegnir
uolii e suenter haver se^z en cumminanza cun ses aussegliers
episcopals madiramein pondrau las caschuns pro econtra,
— en considerozium —
che la domandada separaziun schaigi egl interess del sein
spiritual della sua numero filiala, obtinent quella dachiu.
Denri in degien postur dellas omas,
— en vertet —
de sias pessonzas spiritualas, ch'el posseda scolt^o testy dit^o testy
e seo Dilegou de sio Pontgadat il Papa tenor disposizion del
Consiglio de Trent
— en forme de dretg decretau —
e trou il present document publicau. la decretada dismembraziun
u separaziun ecclesiastica denter la venerabla baselgia parochiala
de Sumvitg e la baselgia filiala de Rabius e cun un de sequen-
tes spiccas determinazioni:

1. La pleiv veglia senummoc la pleiv de Sumvitg adha,
soc tochen de chen, per baselgia parochiala la baselgia de
S. Gion Battista a Sumvitg, e plevor de quella ei, cum
residenza canonica a Sumvitg, il plevor archit. igl.

M. R. Sur Canonie Tumaische Beer, p. t. Vicari episcopal.
2. La pleiv nova senummoc la pleiv de Probius ed ha per
baselgia parochiala la baselgia de Nasa Dunnar a Probius
e per plevor de quellor, cum residenza canonica a Probius,
vegn en vigor del present decret, quemnous cum tuts drelys
e cum tutas obligaziuns de plevor igl M. R. Sur Dr. Gion
Ortodox Pahannes, tochen ussic Caplon de Probius.
3. Tier la pleiv de Sumvitg ausan las parts vedras della pleiv
cum excepcion de quellas, che vegn en otras il present deore,
dismembraadas e partidas tier alla nova pleiv (cf. N. 1.).
4. Tier la nova pleiv de Probius ausan ils habitants del
vily Probius, de Castrosch, Caduff, Campiesches, Kuns,
Lieven, Pierlings e Tschujina. Ils confins della pleiv sin:
a.) Encunter damau: ils confins della ludeis pleiv
de Trun;

b.) Encunter miezdi: il P. kein grond;

c.) Encunter mesanotz: la seif dell'Alp de Gleivers;

d.) Encunter sexa: la lingio che taglia d'al grupp de
Vaulas la pun della vall Mulinau
- dor domus S. Benedetg si encunter Tschujina

A riguard las casas, che vegnan forse el dequors del temps
baghiadas ella vall Mulinau sper il stradun, vegn ei per eve
tots tuts dubis, stabiliu, che quellas dodens igl ual (West)
auiden tier la pleiv de Sumvitg, e quellas dodor igl ual (East) tier
la pleiv de Probius. L'actuale casa auda tier la pleiv de Sumvitg
- 5.) All plevor della pleiv de Sumvitg reston resalvai ils
usitati drelys de honor soc-ère tuts privilegis ed emoluments, ch'il
ha tochen ussa giudic a riguard benadir las alpes della vish-
naunca. Per via della precedenza canonica dils tres plevors

ella vischmaunor de Sumwitz decida la veglia del signor de l'ur
respectivas plieus.

6. Et' uochia appartenet tier il provveder ils malsauens e mortu-
tibus, egn tenor d'reg ecclesiastic' scorbiliu, che mintga plevor
hagi il dretz de provveder sia parochian, nua che quel desugli,
segi quel sin territori de sic e d'ina autra pliev, e mintga
plevor hagi semigliontamein il dretz de satiar ses paro-
chians leu, nua che sia pliev hoi dretz de senteri.
- 7.) Uttra novapleiv vegn do poot ecclasiastica concediu ensen
blamein cunctis autris dretz parochialis era il dretz
della fontanna del Batten ed il dretz de hoover in agien
sentieri. Per regular en bono paisch e concordia quella
caissa, vegnan d'omisduas parts avegnir amicablaemein
in gl'auter encounter. Per denton vegn il senteri veder
a Sumwitz declarauis per senteri communabel de domi-
nus plieus, aschia che mintga plevor satiar leu ses
parochians, seenter hoover teniu en sia atgna baselgia
sus funzioni generalas. Il usitau lechiz de seguitu
ra vegnan ils colusters de Sumwitz procurar encounter
ina adeguata remunerazion.
8. Per conservar la memoria dellas veglias relazioni
denter feglia e munmo e per documentar ch'is habi-
tonts catholics de Sumwitz e Probius, schebein parochia
de diversas plieus, seigien sco affons della medema
sontga fideselgia unì en paisch e carezia, vegnan ils
parochians de Probius, sco tocken de cheu, ir en
processiun a Sumwitz la fiesta del glorius sogn.
Patrum s. Norbert e separicipar leu vid la fiesta e
l'enfrenda, ed ils parochians de Sumwitz da l'ur
voit vegnan, sco tocken ussa usitau, e visitar en
processiun la baselgia parochiala de Probius la
fiesta del s. Scopulio.

9. Mintga baselgia restau en legitim possess dellas
dellas confraternitas ecclasiasticas e de l'ur respectivas
fondos. Ma dema che las confraternitas andantier

los baselyias, elles qualas ellas ein vegnidas canonicamis erigidas, e bucatier los pleirs, sche vegne i de quellas varts declarau, ch'ei existi negin impediment, ch'els commembres della moderna confraternitat seigien parochians de diverses pleirs. — Per via della Compagnia de morts ei ci sentelgian, si'ls moits de Probius cedien voluntariamente leur dretz vid ils effects de porroda sco era vid il fondo della compagnia de morts a Sumwitz.

10. D'ince nent las processiuns liturgicas e las processiuns de devozion locales vegn a mintjin dils tres pleirs elle ledeir la vischauancò de Sumwitz concedire il dretz de far da quellas varts sias proposiziuns allo Curia episcopal, sullen moda e maniera, et mintjin crei de deuer tener quellas processiuns dachin denri, sinapui ch'elles promovien la devozion ad edificazion dil pieuel confidau a del. La Curia episcopal vegn lii ad approbar e a fixar quei, ch'ella crei che seige per l'honor de Dieu e pil sciet dellas olinas.

11. Il pleiron de Sumwitz vegn elegiatus dall'obligacion de pardegat ella baselgia e ellas capellatas de Probius. Ol riguardo les Messas perpetnas, ch'el hozin leu de legies tocken sua, vegne i stabilius, ch'ellas seigien fundadas en quelle baselgia ne capellata, Ch'ellas tenor fundazion sereien vegnir legidas e nua ch'il respectiu capital de fundazion vegn sco fondo administratiu.

12. Visavi alla Parvenda parochiala, essent quella sufficientamein dotada, ha lo port dismembrada negin obligeazion de pagare indemnizazion. Era visavi allo Capitoulio de Sumwitz ha Probius neginas obligazion. Encuntercomi survegn la baselgia parochiala de Sumwitz, havent ella buca sufficient fonda, dalla nova pleiv sildi della actuale separazion.

A. ina indemnizazion per il cal, che suonda orda
separazion vid il piaun de baro, calculaus sin.

$$26 \text{ fr.} \times 20 = \text{ fr. } 520:-$$

B. ina indemnizazion per l'augmentazion della
gravezias concorrent i l'futur manteniment.

$$\text{dits calculost} - \text{calculosa sin fr. } 75.10 \times 20 = 1502:-$$

C. il fondo per manteniment della baselgia-

parochiala a Sumwitz, il qual fondo ha de vegni

administraitus sro fondo de reparaturas (Bauschilling)

separadamein ad ei exclusivamein destinaus per

reparaturas vid il bagetg baselgia " 978 : -

La summa totala della indemnizazion si pia Fr. 3000 : -

Quei capital de treimelli francs sor dals parochians de
Probius vegni pagans giu, cura ch'els giovishan; ma el suo
vegnir pagans giu, sche l'administrasjon della baselgia de
Sumwitz, cun consentiment digl A. R. Signur Vicari episco-
pole, desiderescha quei pagament e dat alla plein de Rabius
in forca de sismeins. Per aschi ditz, sco il suru capital
ei buco pagamus giu, vegn el dals parochians de Probius
scheinius cul medem scheins, che la Banca cantonalala
Grischuna conceda a novas obligaziuns - de present 4%.

13. La nova plein de Probius vegn en vigur dil present act,
obligada de procurar per huntas caussas necessarias per incorr
plein e de metter neu enteifer schun onns ils necessaries
fondo-poorvenda e fondo-baselgia, per registar l'entrada del
minimo de huit pluron e per curierer tras la rendita del
fondo las annualas expensas della baselgia. Suenter che
quei ei duentou vegn alla nova plein concediu a norma
dil dretg ecclesiastic il aschi numerai "Ius Patronatus".

14. Il present decret de separazion ha piau sia eriger
legale la feialisie de S. Giusep, il 19 de Mars 1901, ed
ei vegnius scrif en treis exemplars, in pigl Archiv paro-
chial a Sumwitz, l'auter per igl Archiv parochial a Rabius
Ed il tierz pigl Archiv episcopal a Coira. Il sufficiis

parochiols de Sumvitg e de Trobis vegnan inca-
ricci de dar al present decret ino commissurada
publicacion.

15. Per evitare uessa e pli tard tuttas differenzas sur
il ver senn odir u locuter punch del present decret,
resalwein nus expressivamein a nus ed a nos succes-
sors egl effeci episcopal il dretz de dar tenor basq
ino interpretazion authentico del decret e cheutra
desfar tuts dubis e dismetter tuttas questiuns.

Olla fin recommendain nus la veglia e la nova
pleiu alla protezion de Dieu e de leu regna Patrons,
sco era alla pessenta intercessum del glorius Patriarch
S. Giusep, culla fiesta del qual las novas relaziuns
denter las duas pleiws han puerer entschatta.

Nus reguin Dieu, che omisdeuas pleiws vegnan tras
il spet de vera paisch e carozia a sofar vengonzeas
delle speciela benedizion, che nies dirin Salva der
Jesus Christus hoc empermess a quels, che carezzan
la paisch.

Dare da Nossa Presidenza episcopal
a Ceuva la fiesta del b. Nicolaus de Flue
ils 22 de Mars gl'onn salut 1901.



+ James Fidelis Epys

Dr. Silvius de Grineck
Officialeis episcopalis.

Dr. Fridolinus Koser,

Canellarius episcopalis.

Dr. James M. Ruff,

Registratur episcopalis.

La cronica veglia relata: " Ils 19 de Mars 1901, la fiesta da s. Giusep, ei stau pils habitants da Rabius ina fiesta de gronda legria ed in di de grond'impurtonza pella futura pastoraziun dils Fideivels de quei vitg, ei quei gie il di de naschientscha della ludeivla pleiv de Rabius. La cumpignia de mats cun parada, la societad da musica, ed il chor viril han embelliu cun anim e plascher la fiesta de naschientscha della pleiv nova, per plascher e satisfacziun dils parochiants de Rabius."

Ina notizia d'interess: Igl onn 1901 han ils musicants da Rabius, che sunavan entochen dacheu culs da Sumvitg, bandunau quels e formau in'atgna musica.

Dr. Gion Cahannes ha entschiet sco emprem plevon siu uffeci cun anim e plein speronza. En in cudisch gries e pesont ha el fatg sias empremas impurtaziuns. En quel ei nudau enteifer quei tschentaner: 1018 naschientschas (battens), 861 confirmants, 273 matrimonis (lètgs) e 485 defuncts.

Paula Franziska Tuor, feglia da Plazidus Ant. Tuor e Maria Paula Catherina n. Giger, ei stada l'emprema naschientscha, ils 3 d'avrel 1901 en la pleiv nova.

Ils 29 d'avrel 1902 ei stau l'emprema s. creisma. 28 parochiants dallas annadas 1888-1894 han retschiert quei di il sogn sacrament dalla creisma. Cun quella caschun ha msgr. uestg Johannes Fidelis Battaglia era benediu il santeri niev. Stanislaus Caplazi e Rosina Cagienard han regalau lur curtin situaus sur baselgia per quei intent. La vischnaunca ha contribuiu 3000 frs, essend satrar ils morts siu duer.

Ils onns 1908, 1918, 1923 e 1928 ein ils confirmands danovamein serendi, sin giavisch digl uestg en uffeci, per la s. creisma a Sumvitg. Naven da 1933 eis ella vegnida spendida a Rabius, 1933 aunc a 70, igl 2000 mo pli a 20 confirmands.

Thomas Crist Cahans e Barla Cath. Beer ein vegni enzinai a Cuera e vegni annunziai ils "16 de Juni 1901" per impurtaziun agl uffeci parochial da Rabius. La taxa d'annunzia ei stada 50 frs! Sco secunda vegn nudada la lètg dad Augustinus Maissen cun Anna M. Cahannes, sora da sur Cahannes. Els ein ils geniturs da pader Flurin Maissen.

Spirituals oriunds da Rabius

- Paul Benedetg Berther, nasch. 1798, ordinatus 1824
- Plazi Luregn Baselgia da Tschuppina, naschius 1821, ordinatus 1846, professer e canoni residenzial, padrin dil zenn mesaun, morts 1906
- Christian Modest Tuor, nasch. 1834, ord. 1859, domdecan e canoni, padrin dil zenn grond, morts 1912
- Thomas Contrin da Tschuppina, nasch. 1840, ord. 1866, morts 1900
- Gieri Tuor, nasch. 1844, ord. 1869, padrin dil zenn pign, morts 1922
- Adalbert Baselgia da Rabius (Sumvitg ?), nasch. 1845, ord. 1873, vicari episcopal, morts 1894
- Gion Antoni Baselgia, nasch. 1868, ord. 1892, pader gesuit e missiunari, morts 1941 (necrolog_calender Romontsch 1942)
- Ludivic Soliva, nasch. 1893, ord. 1918, vicari general, domscholasticus, morts 1974
- Peter Caplazi, nasch. 1899, ord. 1926, morts 1990
- Theofil Tuor, nasch. 1908, ord. 1934, missiunari spiritual en Columbia, morts 1993
- Sigisbert Berther, nasch. 1916, ord. 1940, plevon resignat
- Paul Deplazes, nasch. 1936, ord. 1962, plevon ad Eschen FL
- Ciril Berther, nasch. 1937, ord. 1964, plevon en la diaspora
- Clau Lombriser, nasch. 1947, ord. 1978, pader dominican, missiunari en Uganda, plevon dalla pleiv Svizra franzosa a Turitg

Venerablas soras

- Maria Paula Maissen, profess 1916
- Felicia Berther, prof. 1951
- Tomasa Deplazes, prof. 1952
- Callista Beer, prof. 1956
- Imelda Maissen, prof. 1965
- Ursula Castelberg, prof. 1979

Defuncts

Petronilla Franziska Maissen ei stada l'emprema defuncta en la pleiv nova. Ella ei morta ils 19 da fenadur 1901, satrada denton aunc a Sumvitg.

Joanes Bapt. Jos. Pajarola, morts ils 13 d'uost 1901, ei staus la davosa bara da Rabius satrada a Sumvitg.

Stefania Collenberg, treischumellina cun Angelina ed Ursulina, ei veginida satrada sco emprema en il santeri niev ils 24 da fevrier 1903. Ils emprems defuncts en il santeri niev ein la pli part stai barets.

Igl onn 1904 per s. Giusep miera nies poet Alfons Tuor ed anfla aschia cumplenius siu giavisch: "Dieus laschi mei sin tiu santeri, ruassar, durmir." Ils vischins han schau ereger en sia honor in monument vid la petga dalla fontauna amiez il vitg da Rabius.



a nies poet Alfons Tuor

Calusters

Ils onns 1819-1827 ha la caplania da Rabius survegniu negin caplon. En in contract dils 19 da november 1826 han ils vischins da Rabius laschau vi la casa parvenda cun jert ed in clavaziel al Battesta Giacumet sco locatari per il tscheins annual da 3.20 flurins cun aunc obligar il locatari ch'el fetschi persuenter era da caluster entochen che la caplania obtegni puspei in caplon.

Sco emprem caluster dalla pleiv nova ei Giachen Martin Jacomet, il tat da nossa calustra Martina, vegnius elegius. Il protocol da vischinadi dils 17 da mars 1901 menziunescha las condiziuns suandontas:

"I. per fiug 2.50 frs, II. paun sco vidavon (ei buca stau d'eruir sin tgei e con ?), III. esser libers della lavur cumina de vischenadi, IV. cavar las fossas sco vi Sumvitg 2 frs, V. il pervergiar, il tuccar de miert e batiar sco la tarifa (era buca eruibel), VI. il lavar resti ei suenter giavisch (probabel dil sur plevon)".

Da 1912-1914 ei Luregn Tuor staus caluster per la paga fixa da 450 frs e per baras 5 frs e per barets 2.50 frs (extract dil protocol). Igl onn 1915 vegn Martin Anton, fegl da Giachen Martin e bab da Martina Jacomet elegius caluster.

Da 1931-1962 ademplescha la famiglia Baselgia-Camenisch (ils Luis Tonis) igl uffeci da caluster. Menziun speciala meretta l'Augusta per la creaziun dil vestgiu da fiastas da Nossadunna. Las dunnas Alfonsina Berther-Tuor, Ottilia Bearth-Durschei e Marietta Sgier-Albin han continuau la tgira dalla paramenta.

Da 1962-1968 ha la famiglia Soliva-Lechmann fatg caluster, da 1968-1973 la famiglia Lucas Bearth-Maissen.

Dapi 1973 continuescha la Martina Jacomet, per tradiziun da famiglia, quei uffeci.

Igl onn 1963 ei vegniu endrizzau da tuccar ils zenns cun forza electrica, per la summa da 6000 frs. Il medem onn ha dunna Anna Riezler-Soliva, ch'ei sesenta en Brasilia, surdau alla pleiv, sco regal als affons da Rabius, in'ura per il clutger baselgia. In "Dieus paghi" ad ella. Cun quella caschun ei vegniu dau alv il clutger e rugalau las schalusas. En quei connex ina notizia ord il quen da 1881. Quei onn ei vegniu fatg tetg niev sin la baselgia cun slondas pintgas (Nageldach). Ils luvrers han giu 1.80 frs per di (!) e la spisa. Ina mes'ala ha custau 41.40 frs. L'autra mes'ala ei vegnida fatga da Carli Pally, il renomau cuntscha-tetgs da Sumvitg, ed ha custau 56.25 frs.

Beins e possess dalla pervenda

Igl onn 1869 havevan ils vischins concludiu da vender l'acla da Cumadé per 15'000 frs. La curia ha denton buca lubiu quella vendita, essend l'acla in bein ecclesiastic. L'acla da Cumadé vegneva cultivada da cuminanza dils vischins e quei cun menar siado il cultem ord la zona da nuorsas.

La radunanza da vischinadi dils 9 da fevrer 1900 concluda il suandon: "De schar vi il funs della pervenda (l'acla da Cumadé), fein e graun per il tierz." En tractanda 5 d'ina radunanza "Ei vegniu vendiu sin farcanten (ingant) 30 curteunas salin della pervenda à 1frs 25rps, 40 curteunas segal à 1fr 5rps, 3 curteunas cargientas a 60rps".

Per lecturs pli giuvens: ina curteuna ei in vischi rodund da lenn da 6 liters cuntegn; las cargientas ein las spigias vitas.

Pli tard han ins schau a tscheins l'acla da Cumadé per 600 frs ad onn. Ins ha sulettamein salvau anavos 100 fests per diever dil caplon e pli tard plevon, da metter truffels. Quei dretg ei vegnius indemnisaus al plevon entochen 1972 cun 15 frs ad onn.

Il prau dalla Glisch: "Il bien Plazi Genelin paga per veta duronta annualmein 4.25 frs per mantener la glisch perpetna ed ha fatg si alla baselgia 'il prau della Glisch'. Medemamein ha el aunc fatg si in prau giu gl' Igniu pils paupers, ch'ej ussa l'ogna dils paupers" (indicaziuns cronica veglia). Ina damonda: nua ej il prau cun l'ogna e nua ils paupers ? Il prau dalla Glisch ei ius vi dalla baselgia, sin ordinaziun da uestg Schmid da Grüneck, per in "commensurau prezi" alla fundaziun pervenda (vide urbari da 1919). Il prau dalla glisch, situaus dretg e seniester dil vial via Catat, ei vegnius vendius igl onn 1972 als confinonts per 15 frs il m².

Il frust "fravia" si Catat, che era vegnius fatgs si alla parvenda da Melcher Silvani, ei medemamein vegnius vendius als cunfinonts per 1050 frs.

Igl onn 1983 cumpra la pleiv la parzella 294 cun baghetg d'economia che cunfinescha cun il santeri davart encunter sera per 15'000 frs. Il bien donatur Gion Collenberg ha levgiau quella cumpra cun 8000 frs. La suprastanza da pleiv ei vegnida incaricada da spazzar il baghet, dismetter ils mirs ed ulivar il plaz cun gl'intent da far in parcadi.

Casa pervenda

La casa pervenda veglia ei daventada in'unfrenda dil barschament da 1886. Ils frars Maissen han surpriu da baghegiar ina nova cun in clavaziel, per la summa da 6500 frs. Ella ei veginida finida 1893. Ils frars Maissen han exquiu las lavurs da lenn e G.Antoni Beer quellas da miradur. La casa secattava damaneivel dalla baselgia.

La fontauna per la casa pervenda ei veginida construida igl onn 1872. Ilos cuosts totals da 864.30 frs ein vegni pagai entras ina collecta che ha purtau 914.30 frs. Quei quen ei screts en detagl sin la davosa pagina digl urbari da 1804. La "Korporaziun da Hidrants", che ha surpriu anno 1922 il provediment d'aua per nies vischinadi, venda quei onn quella fontauna als vischins dil contuorn per 400 frs (protocol dils 3. IX 22). La cronica "75 onns aquaduct Rabius 1922 – 1997", scretta dad Otmar Monn, documentescha il provediment d'aua per nies vischinadi.



la fontauna veglia amiez il vitg
construida igl onn 1872

La casa pervenda nova ei vegnida construida 1969-1970. La posttenenta Lisetta Caplazi ha buntadeivlamein dau il sulom en siu bi curtin e quei per in prezi fetg raschuneivel. Engraziament s'auda al president dalla cummissiun da baghegiar Walter Degonda ed agl architect Richard Bearth. Il deivet restont da 186'000 frs vegn amortisaus entras ina taglia da 40 frs sin fiugs e 5% dalla taglia da vischnaunca.

Menaschi quen baselgia e quen pervenda

Entochen 1971 vegnevan quen baselgia e quen pervenda administratii mintgin dapersei e quei mintgamai d'in ugau.

Las spesas da baselgia vegnevan cuvretgas sufficientamein entras las unfrendas ed entras ils tscheins dallas s. messas fundadas.

Ils cuosts dalla pervenda vegnevan cuvretgs entras ina taglia repartida sin fiugs, olmas e sin igl importo dalla taglia communalia. Biars onns era quei ina tiarza per mintga part.

Igl onn 1971 vegn fatg ina reorganisaziun. Ei vegn elegiu ina suprastonza che surpren tuttas funcziuns che cumpettevan entochen lu agl ugau pervenda ed agl ugau baselgia. Il contract da laver (urbari) niev ei vegnius approbaus dalla cumissiun dil Corpus catolicum. In reglament niev, constituziun dalla pleiv e reglament da taglia, ei vegnius approbaus tier ina radunanza extraordinaria dils 30 d'avrel 2000 e sancziunaus dil Corpus catolicum.

En quest liug, schegie buca numnai persunalmein, seigi engraziau a tutt ugaus pervenda ed als ugaus baselgia sco era allas suprastonzas da pleiv per lur preziosa laver gratuita.

Medemamein seigi engraziau a tals che han segidau cun mei ad edir quest cudischet da fiesta, seigi cun rimnar fotografias, scriver da schuber e tschentiar si il cudischet per il bien da stampa.

Sperond dad haver svidau empau igl arcun dil temps passau e presentau enqual interessanta notizia historica

segna il cronist:

Carli Degonda-Deplazes

Rabius, per la fiasta da
s. Giusep dils 19 da mars 2001/lm